



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

**Liber De Prudentia Ivstorvm**

**Juan <de Jesús María>**

**Coloniae Agrippinae, MDCXIV**

Cap. XV. Ostendit, suaue esse, seruire Deo.

[urn:nbn:de:hbz:466:1-46940](#)

## CAP. XV.

Ostendit, suave esse, seruire Deo.

**Q**uid est, quod filij Adæ horrent verbum crucis, tanquam durum, & insuaue, & unusquisque in viam suam declinavit? Me quasi durum Dominum sollicitè fugiunt, & principibus terræ seruire malunt. Mirum est hoc. Cum enim solus ego æternam vitam, & plenam consolationem eis dare possim: per iustitię semitas ad montem Domini ascendere recusant, & montes alios difficiliores superare conantur. Et enim solus mons Dei, mons bonorum omnium aggregatione coagulatus, & pinguis: ut quid ergo fingunt homines, montes alios coagulatos, cum difficultates mundi (etiam quando superatur) steriles sunt? Certè seruire Deo regnare est: quo circa mirabile videtur, homines regnandi cupidissimos; mihi seruire nolle. Nequè solummodò mirandum est, quia regnare detrectant, sed etiam, quia infinitam suavitatem legis meæ nequè requirunt, nequè cognoscunt.

gnoscunt. Profectò si in via Dei ambulassent, habitassent pacificè super terram, & cor, præ magnitudine lætitiae dilatassent: sicut ille, qui ambulabat in latitudine, quia mandata mea totis viribus exquisiuit. Intelligite quæ dico filij, & saporem veritatis meæ, ipsa experientia gustate. Qui mihi fideliter seruit, bona conscientiæ lætitia exultat, & firmissima spe æternæ retributio nis verius gaudet, quam si totius mundi honores, divitias, & voluptates possideret: Et interim dum laborat, & mala multa sustinet, ego secretis inspirationibus, & illuminationibus, eius infirmitatem corroboro. Ego doceo manus eius ad prælium, & singulos digitos ad bellum: ut sine timore de manu inimicorum suorum liberatus, constantissimè seruiat mihi. Dicit consenserter: Pone me iuxta te, & cuiusvis manus pugnet contra me. Maior lætitia, & suauitas percipitur in præliis sub vexillo meo, quam in pace mundi, quæ in sola superficie hæret, nec lætitia cordis appellari potest. Hinc est, ut soli iusti verè lætentur,

& exul-

& exultent, & verè glorientur soli re-  
cti corde. Hanc ergo prudentiam disci-  
te filij, nequè humanis confiliis acqui-  
escere velitis. Tollite iugum meum  
suauissimum super vos; & sub hoc, pa-  
cem intimam pertingentem usque ad  
medullas apprehendite. Letamini vos,  
qui prudenti coniectura colligitis, no-  
mina vestra scripta esse in libro vite.  
Aperite sinūs viscerum vestrorum, &  
cælestis consolationis aquam sitienter  
haurite. Fleant illi, qui remorsu con-  
scientiæ cruciantur, & per latam viam  
perditionis furiosè currunt. Ridete,  
& exultate vos, qui mihi seruire decre-  
uistis; vos præsertim, qui reliquistis  
omnia, & sequuti estis me: quia in hac  
vita, ceterum accipietis, & cum glo-  
riosissimo triumpho, & totius super-  
næ Ierusalem acclamacione, vitam æ-  
ternam possidebitis.

## C A P. XVI.

*Ostendit, triste esse, peccato seruire.*

**N**ON est pax, & cordis lætitia im-  
piis, qui faciunt peccatum, &  
proinde serui sunt peccati. Mæstissima  
est fi-